


Vischnaunca dad Obersaxen Mundaun



**Reglament davart il diever dils edificis
polivalents a
Meierhof, Flond e Surcuolm**

Cuntegn

I. En general

Principi	Art. 1
Occupaziun	Art. 2

II. Organisaziun

Damonda	Art. 3
Plan d'occupaziun	Art. 4
Midada dil plan d'occupaziun	Art. 5

A) Diever regular

Temps da diever	Art. 6
Diever dils edificis	Art. 7
Calzers	Art. 8
Diever dils urdeins	Art. 9
Urdeins da halla	Art. 10

B) Occurrenz

Recepziun e surdada dils edificis per occurrenz	Art. 11
Sutgas e tribuna	Art. 12
Restauraziun	Art. 13
Lavurs da schubergiar	Art. 14

C) Disposiziuns generalas

Survetsch d'uorden	Art. 15
Mendas	Art. 16
Fimar	Art. 17

III. Taxas e disposiziuns finalas

Taxas da basa	Art. 18
Taxa da sviulta	Art. 19
Utilisaders/organisaturs d'ordeifer	Art. 20
Excepziuns	Art. 21
Responsabladad per persunas	Art. 22
Responsabladad per donns	Art. 23
Disposiziuns penalas	Art. 24
Entrada en vigur	Art. 25

I. En general

Art. 1

Principi

La vischnaunca dad Obersaxen Mundaun metta a disposiziun als utilisaders ils edifecis polivalents a Meierhof, Flond e Surcuolm per occurrenz, exercezis, trenaments e sesidas.

Art. 2

Occupaziun

Occupaziuns d'interess superiur (p.ex. radunonzas communalas, occurrenz, exposiziuns, etc.) han prioritad. Utilisaders regulars ch'ei enscrets el plan d'occupaziun vegnan orientai ad uras.

II. Organisaziun

Art. 3

Damonda

Tut las damondas per il diever d'in edifeci polivalent ni d'ina part da quels ein d'inoltrar aschi baul sco pusseivel all'administraziun communal. Era per in'occupaziun jamnila regulara vala ei da far ina damonda. Igl ei necessari d'indicar las datas exactas dall'occupaziun efectiva.

Art. 4

Plan d'occupaziun

L'administraziun communal concepescha mintg'onn in plan d'occupaziun cun tut ils termins. La lubientscha per temps da diever defini regulars vegn dada per in temps nundeterminau. Ella sa esser colligiada cun cundiziuns. Ei dat negin dretg da survegnir ni renovar la lubientscha.

Uniuns ed organisaziuns communalas han preferenza.

Art. 5

Midada dil plan d'occupaziun

En connex cun damondas per midadas dil diever regular sto il petent controllar sez eventualas collisiuns da termins cun auters utilisaders. Aschilunsch ch'ei dat neginas collisiuns da termins ni sch'ils utilisaders actuals fan buca protest, sa la nova lubientscha vegnir dada per in temps nundeterminau.

A) Diever regular

Art. 6

Temps da diever

Ils edifecis polivalents stattan a disposiziun allas uniuns ed organisaziuns per il diever regular tochen il pli tard las 22.00. Las localitads utilisadas ein da bandunar il pli tard 15 minutas suenter il temps d'exercezi permess.

Art. 7

Diever dils edificis

Arver e serrar ils locals utilisai ei sulettamein caussa dils menaders. Suentel il diever controllescha il pedel periodicamein ils locals e sclarescha reclamaziuns cun ils utilisaders.

Per uniuns restan ils locals serrai tochen ch'in commember dall'uniun responsabel arriva.

Art. 8

Calzers

Per exerchezis e trenaments astgan ins entrar els edificis polivalents mo cun calzers da halla che donnegeschon e tschufrognan buc il plantschiu. Ins astga buca purtar ils medems calzers da gimnastica en halla sco sin ils indrezs exteriurs. Quei vala era per nungimnasts per ils exerchezis ordinaris. Ellas duschas eis ei lubiu d'entrar mo a pei blut.

Art. 9

Diever dils urdeins

Urdeins movibels, p.ex. mattas pintgas, etc., astgan buca vegnir runai da plaun vi. Els ein da plazzar el liug da diever cun agid dils cundrezs specials.

Art. 10

Urdeins da halla

Urdeins da halla astgan buca vegnir duvrai sin ils indrezs exteriurs. Il pedel decida davart excepziuns. Senza consentiment dil pedel astgan negins urdeins vegnir spustai ord igl edifeci polivalent.

B) Occurrenz

Art. 11

*Recepziun e surdada
dils edificis
per occurrenz*

Il pedel surdat agl organisatur igl edifeci per l'occurrenza. Igl ei da suandar sias instrucziuns.

Suentel che l'occurrenza ei a fin vegn igl edifeci controllaus avon la restituziun.

Mendas ein da nudar en in protocol.

Art. 12

Sutgas e tribuna

Igl organisatur sto plazzar sez las sutgas tenor las instrucziuns dil pedel. Immediat suenter che l'occurrenza ei a fin ein ellas da schubergiar e dustar.

Igl organisatur sa dumandar l'administraziun communal per agid dil pedel ni da collaboraturs dils menaschis communal da plazzar las sutgas.

L'illuminaziun dalla tribuna astga mo vegnir manevrada d'ina persuna incaricada che capescha il diever da tala.

Art. 13

Restauraziun

Igl organisatur meina la restauraziun sin agen quen ed atgna resca. En cass che la cuschina vegn utilisada, eis ei da determinar ina persuna ch'ei responsabla per suprender, menar e puspei surdar la cuschina.

Per il menaschi da restauraziun cun vendita dad alcohol eis ei necessari da dumandar la vischnaunca per ina lubientscha da menar in'ustria. La vendita da vinars ei lubida mo cun ina concessiun cantunala.

Art. 14

Lavurs da schubergiar

Ils edifecis utilisai ein da returnar scuai e senza menda. La cuschina ei da schubergiar.

C) Disposiziuns generalas

Art. 15

Survetsch d'uorden

Duront l'occurrenza han ils utilisaders d'haver quitau d'in survetsch d'uorden adequat. Ils utilisaders ein en special obligai da procurar ch'igl uorden da parcar funcziuneschi a moda regulada.

Art. 16

Mendas

Ils cuosts per eliminar mendas constatadas vegnan mess a quen agl organisatur.

Art. 17

Fimar

Igl ei scumandau da fimar en tut ils edifecis polivalents.

III. Taxas e disposiziuns finalas

Art. 18

Taxas da basa

Per far diever dils edifecis polivalents ein da pagar las suandontas taxas da basa:

1. Taxa d'utilisaziun per di resp. per occurrenza (CHF):

	Meierhof	Flond	Surcuolm
a) halla polivalenta	100.00	50.00	30.00
b) tribuna	25.00	10.00	--
c) foyer	25.00	10.00	--
d) aula	50.00	--	--
e) cuschina	50.00	25.00	20.00
f) stanza da sesidas	15.00	15.00	15.00
g) gardarobas incl. duschas (p. gardaroba CHF 10.00)	20.00	20.00	20.00

2. Taxa d'utilisaziun per ura, tochen 4 uras (CHF):

	Meierhof	Flond	Surcuolm
a) halla polivalenta	20.00	15.00	10.00
b) aula	10.00	--	--

3. Taxa da diever tier diever regular

Taxa annuala per lecziun d'jamna CHF 150.00 (Meierhof, Flond e Surcuolm)

4. Agid da plazzar sutgas, etc.

a) tariffa per ura		CHF	70.00
--------------------	--	-----	-------

Art. 19

Taxa da sviulta

Per occurrenzas cun entradas sto supplementarmein alla taxa da basa vegnir pagada ina taxa da sviulta da 4%.

Per gudogns entras entradas, collectas, daner da sault, ustria, lotto ed occurrenzas semegliantas eis ei da pagar ina taxa.

Art. 20

Utilisaders/organisaturs

Utilisaders/organisaturs d'ordeifer pagan sin tut las tariffas tenor art. 18 al. 1 cef. 1 ed art. 19 in supplement da 100%.

Art. 21

Excepziuns

Per il diever dils edifecis polivalents ston las uniuns ed organisaziuns indigenas – cun excepziun dad occurrenzas resp. purschidas cun entradas – buca pagar taxas da basa.

En cass specials, oravontut per occurrenzas d'uniuns e gruppas d'utilidad publica, sa la suprastonza communal remetter sin damonda las taxas ni ina part da quellas.

Art. 22

Responsabladad per persunas

La vischnaunca dad Obersaxen Mundaun surpren negina responsabladad viers tiarzs. Las uniuns resp. ils organisaturs stattan buns per donns che tiarzs han caschunau. La suprastonza communal sa pretender in'assicuranza da responsabladad per conceder la lubientscha d'ina occurrenza.

Art. 23

Responsabladad per donns

Ils organisaturs stattan buns per donns ch'els han caschunau vid edifecis, indrezs, mobiglias ed installaziuns.

Art. 24

Disposiziuns penals Ad organisaturs che suondan buca las instrucziuns dil pedel ni dad auters representants dalla vischnaunca, sa ei vegnir refusau da conceder ulteriuras lubientschas d'utilisaziun.

Art. 25

Entrada en vigur Quest reglament entra en vigur igl 1. da schaner 2017 e remplazza las regulaziuns d'entochen uss ellas duas anteriuras vischnaucas.

Approbau dalla suprastanza communal a caschun dalla sesida dils 21 da december 2016, revidiu ils 06 da zercladur 2017 (art. 18, cef. 3).

il president communal

il canzlist communal

Ernst Sax

Hiazint Brunold